

Stavanger, den 26. april 2023

Karmøy kommune

Søknad om driftsstøtte til døgnopen kriseteneste på telefon og chat

Kirkens SOS er ei døgnope kriseteneste på telefon og chat med **fokus på sjølvmondsforebygging**. Vi er ikkje ein forkynnande institusjon og alle blir møtt med respekt, uavhengig av tru, legning og bakgrunn.

Det er mange born og unge som slit med psykisk helse, utanforskap, overgrep, mobbing, sjølvmondstankar osv. **Veldig ofte er det ein frivillig i Kirkens SOS som fyrst får høyre om det vonde og vanskelege.** Unge i dag likar ikkje å prate i telefon, men på chat er dei aktive. Her kan dei vere anonyme, og her kan dei få prate om det dei slit med. I Kirkens SOS veit vi at det skjer noko i den som blir lytta til.

Sidan vår teneste er anonym, veit vi ikkje kor mange brukarar vi har frå Karmøy kommune. Men det vi veit er at på vår statistikk, er det sjølvmond som det oftast vert kryssa av på etter ein chattesamtale. **Over 7 700 chatte-samtalar i 2022 hadde sjølvmond som tema.** Det er over 20 samtalar kvar dag. Medrekna telefon er det 3 samtalar kvar time med sjølvmond som tema.

På telefon er det einsemd og psykiske lidingar som toppar statistikken. Frivillige svarte på nesten 170 000 samtalar i 2022. **Det er 20 samtalar i timen – ein samtale kvart tredje minutt – døgnet rundt.**

Det er vår erfaring at det er innringarar frå alle kommunar i landet vårt som brukar denne tenesta.

Våre frivillige gjennomgår eit 40 timars kurs før dei får ta vakter, og blir deretter fylgt godt opp med veiledning og fagleg støtte. Sjølv om det er frivillige som svarar på telefon og chat kostar det å drive denne type teneste. Vi brukar mykje ressursar på rekruttering, opplæring og veiledning.

Eg ser at Karmøy kommune informerer godt på heimesida om krisetelefonar og hjelpeinstansar for folk med sjølvmondstankar. Kirkens SOS er glade for å vere tilgjengelege døgnet rundt for alle innbyggjarane i kommunen. Vår visjon er: "Alltid eit medmenneske å snakke med når livet er vanskeleg." Vi veit det er førebyggjande å få prate om det som er vanskeleg, slik som det står på heimesida: «Dersom du strever med selvmordstanker er det viktig at du søker hjelp og forteller noen om hvordan du har det.»

I 2021 var det 55 personar som tok livet sitt i Rogaland fylke. Vi trur at dette talet kunne vore høgare om det ikkje var for muligheten til å prate med eit medmenneske i Kirkens SOS eller andre liknande krisetenester. Vi vil vere der til beste for Karmøy kommune sine innbyggjarar, og vi håpar at kommunen ser verdien av vår døgnopne teneste, der unge og eldre kan ta kontakt.


Det er mange kommunar i fylket som støttar denne fyrsteline-tenesta - til beste for ALLE som tek kontakt. Vi er svært takksame for trufast støtte frå Karmøy kommune gjennom mange år.

Vi søker om 80 000 kroner til dette livsviktige arbeidet for 2024. (Ca. 2 kroner pr innbyggjar)

På førehand tusen takk. Vi håpar på positiv vurdering av søknaden.

På vegne av Kirkens SOS Rogaland.

Per A. Thorbjørnsen
Styreleiar


Eivind Hauglid
Fung. leiar

Vedlegg: Årsmelding med rekneskap for 2022